

KONKURSOS RAŠONTĒMS ŽEMAITŠĒŠKĀ



Skouda rajuona savēvaldībės viešuojī bėblioteka, Žematiu kultūras draugėjės Skouda skīrios, Skouda literatu būrielis šės metās viel organizou čė jau tradicinio tapusi konkursa „Koram žemaitšėškā“. Konkursa tekslos – skatintė žemaitiu tarmies vartuojėma, puoselietė anuos savėtoma, stėprintė tautini identiteta.

Konkursos prasėdiejė 2015 m. sausė mienesė 1 dėina ėr vīks iki 2015 m. gegožės mienesė 31 dėinuos. Anamė bus vertėnamas autuoriu kūrībėškoms, kūrėniū ĩtaigoms ė meistrėškoms.

Tad, je rašuoit eilieraštius, apsakīmus, nuovelės ar kėtus kūrėnelius žemaitšėškā, dalīvaukėt konkursė ė toriesėt pruogos būtė ėšgerstė, vuo gal ėr vertintė, ėsėgīsėt tokiū pat plunksnas draugū, pasėdalinsėt so anās žemaitiškas kūrības vėngrībėms.

Konkursė ĩr kvėitamė dalīvaitė vėsū omžiaus grupiu literatā ne tik ėš Žemaitėjės, bet ėr ėš vėsuos Lietuvos ė kėtū šaliū.

Konkursou pateikamė kūrėnelė tor būtė parašītė laikontėis žemaitiu rašības pagrindū, kartus ĩr sorėktavuojė kalbininkā – ėš Tėrkšliū kėlės puofesuoorios Gėrdienis Aleksėndra ėr ėš Skouda kėlės duocėnts Pabrieža Jūzaps. Patarėmus galėt rastė ėr internetė adreso <http://www.samogit.lt/KALBA/raspamatai.lt.htm>. Konkursou rėk pateiktė pu vėina nauji, niekor dā neėšspausdinta ėr dā ni vėinam konkursou nepateikta pruozas arba puoezėjės kūrīni. Pağeidaujėma, ka anuo apimtės nebūtom dėdėlė dėdėlie.

Puoezėjės ėr pruozas kūrėnė bus vertėnamė atskėrā. Anus soskėrstīs dvė grupės: vākū (iki 18 metu omžiaus) bei soaugosiūju. Vėsuos grupies bus ĩšaiškinta ėr paskelbta pu 3 nogalietuojus. Anėms bus ĩteiktė konkursa prizā. Planuojėma, ka baigmėsis rengėnis vīks 2015 m. spalė 16 dėina.

Konkursa laureatu kūrėnelius, jei tik autuorė tuo pageidaus, paskelbsem žornalė „Žemaitiu žemė“.

KONKURSA VERTĒNĒMA KUOMISĒJĒ:

Pabrieža Jūzaps, Šiauliū universiteta puorektuorios, žemaitiu kalbuos taisīkliu autuorios;

Zvonkuvienė Jenina, žornalistė;

Kobėlios Justīns, puoets, redaktuorios.

Kūrėnius galėt siūstė paprasto arba elektronėnio pašto nu 2015 m. gegožės mienesė 31 dėinuos adreso: Skouda rajuona savėvaldībės viešuojī bėblioteka, Birutės g. 8, , LT-98116, Skuodas. El. p.: sekretore@svb.lt. Telepuons pasėtėrautė: (8 440) 73299.

Žornala „Žemaitiu žemė“ ĩnformacėjė

Portėgrapėjuos (ėš vėršaus): skoudėškiu šventės. G. Andriekaus portėgrapėjės, Skouda dvarvietė ėr Skouda skvers. D. Mukienės portėgrapėjė

